

Taiwan Hebdo 14-2016

Description

1. Informe

Os problemas de identidade do KMT non só están relacionados co futuro político da illa senón tamén coa natureza da propia formación. O día 5 cumpríronse 41 anos da morte do Xeneralísimo Chiang Kai-shek e o presidente Ma Ying-jeou e outros dirixentes como Hung Hsiu-chu, a flamante novena presidenta do partido, lle granxearon a habitual homenaxe. Ma destacou que a figura de Chiang Kai-shek pode ser “criticable, pero a súa contribución á República de China non pode ser eludida e os problemas en torno á súa significación histórica deben ser tratados con xustiza e razoablemente”.

1. Informe

Os problemas de identidade do KMT non só están relacionados co futuro político da illa senón tamén coa natureza da propia formación. O día 5 cumpríronse 41 anos da morte do Xeneralísimo Chiang Kai-shek e o presidente Ma Ying-jeou e outros dirixentes como Hung Hsiu-chu, a flamante novena presidenta do partido, lle granxearon a habitual homenaxe. Ma destacou que a figura de Chiang Kai-shek pode ser “criticable, pero a súa contribución á República de China non pode ser eludida e os problemas en torno á súa significación histórica deben ser tratados con xustiza e razoablemente”.

Sen dúbida, non é un exercicio fácil para o KMT deslindar as dimensións dunha figura inevitablemente asociada á lei marcial, a represión, o Terror Branco, o incidente do 28 de Febreiro, etc. É infrecuente, polo demais, que unha forza como o KMT, columna vertebral do período da ditadura, logre preservar a súa influencia política tralo fin da lei marcial (1987). Alguén pode imaxinarse en España algo similar coa Falanxe Española de las JONS e organizando homenaxes deste calibre a Franco?...

Para non poucos en Taiwan, a democratización non foi unha concesión graciosa de Chiang senón o resultado dunha intensa loita cívica. Manter estatuas nas escolas ou un mausoleo dedicado a un ditador no centro da capital, sostido con diñeiro público, pode non ser só un anacronismo senón unha expresión máis desa tensión que promete intensificarse no KMT nos próximos meses: entre a súa definición continental e a súa localización taiwanesa. De optar por esta última, sen dúbida, esas manifestacións reverenciais cara ao ditador caerían no esquecemento.

2. Observacións de contexto

* Intensifícase o debate interno no seo do KMT coa proposta do ex secretario xeral Lee Shu-chuan, de eliminar o foro anual co PCCh, inaugurado en 2005. A proposta enmárcase nunha folla de ruta para reformar o KMT co horizonte das eleccións locais de 2018. Lee esgrime que o funcionamento deste foro é opaco e que veu usurpando a autoridade do goberno adoptando acordos que posteriormente son instrumentados na orde institucional. Lee avoga por crear un centro de servizos para os empresarios taiwaneses no continente. Os pesos pesados do KMT defenden a introdución de axustes pero non a súa supresión.

* O PDP modificou os seus estatutos e regulamentos para eximir a determinados funcionarios de alto nivel do goberno de exercer no partido e tamén para penalizar a aqueles que non eviten os conflitos de intereses. Poderá simultanearse a presidencia do partido e do goberno.

* O primeiro ministro Simon Chang e o primeiro ministro electo Lin Chuan reuníronse por primeira vez para efectuar un amplo intercambio de puntos de vista e facilitar a transición gobernamental. Lin Chuan anunciou unha primeira ola de nomeamentos do persoal do seu gabinete.

* A presidenta electa Tsai Ing-wen reuniuse en Taipei cunha delegación de ex altos funcionarios estadounidenses (entre eles, Richard Armitage e Evan Medeiros) a quen lles asegurou que o seu goberno reforzará a comunicación con China continental.

- * O ex presidente filipino Fidel V. Ramos visitou Taiwan co obxecto de impulsar os intercambios e limar asperezas en asuntos delicados como a definición da illa Taiping, que controla Taiwan, no Mar de China meridional. Ma invitou a unha delegación taiwanesa a comprobar as condicións in situ. Tsai Ing-wen tamén se reuniu con Fidel Ramos.
- * Ma Ying-jeou inaugurou un monumento na súa visita ao illote Pengjia próximo ás illas Diaoyutai en disputa con Xapón. A última vez que se desprazou a esta zona foi en setembro de 2012. En xaneiro deste ano viaxou á illa Taiping.
- * Os titulares de pasaporte taiwanés pronto gozarán dunha entrada máis rápida en EUA trala firma dunha declaración conxunta que facilita a participación de Taiwan no programa Entrada Global.

3. Datos relevantes

- * Segundo despréndese dos Panamá Papers, uns 16.785 taiwaneses serían clientes do bufete Mossack Fonseca, epicentro do entramado de sociedades offshore para evadir impostos.
- * Taiwan converterase nunha das 10 potencias manufactureiras do mundo nos próximos catro anos. Para entón espérase que EUA supere a China neste aspecto, segundo o Índice de Competitividad Manufacturera Global.
- * O IPC subiu un 2 por cento en marzo.
- * Unha recente enquisa da Universidade Chengchi sinalou que o 31,2 por cento dos enquisados apoian ao PDP, fronte ao 22,1 por cento do KMT.

4. Nomes relevantes

- * A cantante taiwanesa Coco Le gañou as finais da cuarta tempada do concurso “Eu son cantante” organizado pola televisión de Hunan, en China continental.
- * Wei-Zen, ministro do Interior, desmentiu os rumores que lle sitúan como secretario xeral do KMT.
- * Monseñor Paul Russel, embaixador do Vaticano en Taiwan, será proximamente transferido a Turquía.
- * O ex presidente Chen Shui-bian podería ver rexeitada a petición de indulto suscitada por varios gobernos locais. A Oficina Presidencial asegura que aínda hai casos penais en curso que lle involucran.
- * Cheng Nan-jung, xornalista que se auto inmolou fai 27 anos en demanda de liberdade de expresión, será recordado cada 7 de Abril ao instituírse como “Día da Liberdade de Expresión”.

APARTADO TEMÁTICO GEOGRÁFICOS

China e o mundo chinés

ETIQUETAS

Ma Ying-jeou PDP KMT Tsai Ing-wen PCCh-KMT Pengjia

IDIOMA

Galego

Date Created

Abril 10, 2016

Meta Fields

Autoria : 3717

Data publicación : 2016-04-10 00:00:00

Antetítulo : Hebdomadario da Política Taiwanesea

Subtítulo : Semana do 4 ao 10 de abril de 2016